

Ser 218

~~A13/7/21~~

K32/21

J.S.Mokgoatheng

Bafokeng history, Rustenburg.
Litaba tsa tlogo ea Bafokeng.

1
1b

Maitse anope Dr.N.J.van Warmelo ktona h mmuso, morena ke ea kopa ntsenyetse litaba tsa tlolego ea Bafokeng mokgobokanyong ea litaba tsa bogologolo tsa Bafokeng. Ka molao oa rona oa ma-Afrika. Litaba kekgwa lintoa le litiragalo tsotlhe tsa lefatshe re litseloa kgang ke bo raarona. Bona ba litseelwe ke bo raabona mogoloagoloana fa kgotleng la setshaba. Ke santse ke li gopola litaba tse neng re li tseloa kgang ke bo raarona ba mephato e mebedi maloma kgomo le matsaakgang. Ba nne ba tle ba re rona Bafokeng re tlolegile kua Egepeta. re utsitswe ke kgosi Tsukulu ra fitlha ra aga felo fa go bitswang Sahara Desert. Fatsheng la sekaka a swela teng erile morago a kgosi Tsukulu ra busioa ke kgosi Nape a Tsukulu ra fologela kuano tlase ga South Afrika, ka kuano ga noka ea Malikwe. Botlaba tsatsi fa Thabeng ea Nape e bilewang ka enne. Re fitlhetse Barolong le Bo-Milibili-a-tlaga. Re balebela bophirima tsatsi re fitlhetse Barolong babuswa ke kgosi morolong. Bona eka ba tswa mogare ga lefatshe la South Afrika mo Nyassa. Mo metlheng eo ea bogologolo ea bo kgosi Tsukulu Baruti baselekanya le botswalo ba morena oa rona Jeso kresete. Mo tshimologong ea linoaga 1939. Morago a moo ga busa kgosi mutle Morago a kgosi Mutle go busitse likgosi bo Sekete ba tlatlamana ka golatšana ga go busa ga bonabale bararo. Moraga puso ea bo kgosi Sekete 3 ga busa bo kgosi Liale oa bobeli Bahurutshe ba ile ba romela taelo e e reng Bafokeng ba taise lekgetho la lipoo e le gre go tle go supagale gore Bafokeng ba busoa le Hurutshe taba eo Bafokeng ba ile ba e kgesa baegana ba re bona ba bagolo.

3 Mo Bahurutsheng ea ba Bahurutshe ba bolotsa ntoea ba lwela bogolo ba go loma thotse ga lwantwa e kgolo. Marumo a lala Bahurutshe go loma marotse ga palega ga fela Bafokeng ba itumela ka bo bona gose nta e ba lomang. Mme Bahurutshe bona bam nna ba lomela litshaba tse lingwe pele. Ka ntle ga Bafokeng.

Morago a mo o ga busa kigosi Bo Ramoroa ba le bararo ka go latelana ga go busa ga bona. Morago a kgosi Ramoroa oa 3 go busitse kgosi Sekete sa Ramoroa 3 kgosi Sekete ke Sekete oa bone go tloga lesikeng la bo Sekete. Kgosi e e Sekete e beile kgosi e matla go feta likgosi tsotle tse libusitseng pele ga eo na tshosa ea gagwe e ile ea imela lichaba le litshabana tsotle tse linneng li agile gaufe le enne litau li luma li mo llikellitse o feutse Bapo. Bammatau Batlokwa le Bakgatla ana kgosi ea likgosi gose kgosi e mokgwathang. Morago a tau tona Sekete a Ramoroa 3 go busitse kgosi Theethe oa Tautona raagwe tshosa ea goe simetse merafe le meratsoana e eneng e le gaufe le enne tautona e ntse e busa Bomonnawe Nameng le Noge. Ba mo loantsha ka mephato ea bona, ba le mo lebollong. Ba mo ntsa mo gae a eo kopa thuso kua Bopedi go kgosi Sekuati, a Thulare Sekuati a tla lelikgosi tsotle tsa Bopedi ba fitlha ba thuba Bafokeng ba ba thopa ba ba isa ba isa Bopedi. Ke mo o goileng ga tswa seanne se sereng mollo tswara tswara likgonyana mapedi a fitlhile.

Morago a ntwana ea Mapedi Noge a ipaa kgosi ka likgoka gatsoga borabele bo bogolo ka baka la Noge le Nameng. Erile Bafokeng ba ntse ba lwantshana ba tlaselwa ke Matebele a kgosi Moselekatsi-a-Machobane a tsena mo Thokeng ka thello mephato ea bo Nameng le Noge kgosi Moselekatsi a e phailela kgakala Nameng a bolawa. Noge a tsela noka e kgolo Lekoa, a fitlha Thaba-Nohu le balateli bagagwe erile go kgosi Noge a tsaba a kopana le mogoloe Tautona Theethe Monageng ko koano ga Lekoa Noge a molaea. Morago a moo ga busa Mokgatle wa Tautona Theethe. Kgosi Mokgatle o ile a yo kopa thuso kua Maburung a Noka ya Lekoa. Bafokeng le Maburu ba tlhatlhamolla Matebele a kgosi Moselekatsi mo gare ga Bafokeng. Kgosi Moselekatsi a tshabela kua Rodesia Bulawayo Rodesia. Bulawayo kgosi Mokgatle a phutha Bafokeng gotlhe mo ba neng ba tshabetse teng, a nna kgosi e kgolo a okamela merafe le meratswana e gaufe le enne. Morago ga busa Dumagole morwa Mokgatle morago a moo ga busa kgosi August Molotlegi Mokgatle wa kgosi Dumagole. Gape gape mofusong ya kgosi e kgolo A.M.Mokgatle Bafokeng ba ile ba rogana gape ga rabela Mr David Mokgatle wa kgosi Mokgatle.

Kgosi e kgolo A.M.Mokgatlle a montsha mo gae le balateli ba gagwe ba tsela noka ya Kgetleng. Ka jeno Bafokeng ba busiwa ke kgosi James Manotshe wa kgsi e kgolo August Molotlegi Mokgatlle. Bafokeng ba sebolela kwena. Ba agile mono Boshuana gaufi leli Thaba tsa mphama fa thabeng ea Moromogolo. Mo godimo ga thaba ya Lirepotsane ko kuano ga noka ya Malikol le kgetleng Rustenburg Dis t.

Metse e megolo ya Bafokeng.

1.Ke Phokeng

2.Luka go fitlha Chaneng

3.Maralleng kua Kannana

4.Tlalagali kua Kgaphamali Sechaba sa Phokeng e ka nna 14,000.

Banna fela. Ke Joas Sampi Mokgoatlheng 59 Bernard Street,
Sophiatown, Johannesburg, Transvaal.

END. 218